

## თანამშრომლობის მემორანდუმი

საქართველოს კონკურენციის სააგენტოსა და

საქართველოს დაზღვევის სახელმწიფო ზედამხედველობის სამსახურს შორის

ერთი მხრივ, საქართველოს კონკურენციის სააგენტო (შემდგომში - სააგენტო), წარმოდგენილი მისი თავმჯდომარის ნოდარ ხადურის სახით, და მეორე მხრივ, საქართველოს დაზღვევის სახელმწიფო ზედამხედველობის სამსახური (შემდგომში - სამსახური), წარმოდგენილი მისი უფროსის - კონსტანტინე სულამანიძის სახით, შემდგომში ერთობლივად წოდებულნი მხარეებად, საქართველოს მოქმედი კანონმდებლობის შესაბამისად, ვდებთ წინამდებარე თანამშრომლობის მემორანდუმს (შემდგომში - მემორანდუმი).

### მუხლი 1. მემორანდუმის მიზანი

მხარეებმა, თანასწორობის პრინციპზე დაყრდნობით, ამ მემორანდუმის შესაბამისად, უნდა გააძლიერონ თანამშრომლობა, დაზღვევის სფეროში კონკურენციის პოლიტიკის ეფექტიანად წარმართვის ხელშეწყობისა და თავის უფალი კონკურენციის დაცვის მიზნით.

### მუხლი 2. თანამშრომლობის ფორმები

მხარეები გამოთქვამენ მზადყოფნას, ითანამშრომლონ შემდეგი ფორმების საშუალებით:

ა) დაზღვევის სფეროში კონკურენტული გარემოს გაუმჯობესების მიზნით გასატარებელი ღონისძიებების ერთობლივი დაგეგმვა, განხილვა და ანალიზი;

ბ) ჩატარებული ადმინისტრაციული წარმოების შედეგად, დაზღვევის სფეროში გამოვლენილ კონკურენციის კანონმდებლობის დარღვევებთან დაკავშირებით, ინფორმაციისა და გამოცდილების გაზიარება;

გ) სააგენტოს მიმართვის შემთხვევაში, სამსახურის მიერ საექსპერტო მოსაზრებების შემუშავება და კონსულტაციების განევა, დაზღვევის სფეროში კონკურენციის შესაძლო დარღვევის თაობაზე;

დ) მაღალი რანგის შეხვედრების/ვიზიტების ორგანიზება ორმხრივი თანამშრომლობის გაგრძელების პერსპექტივებისა და მიმართულებების განხილვისათვის;

ე) მხარეთა ექსპერტებს შორის შეხვედრები ან/და კონსულტაციები ორმხრივი ინტერესის სფეროს კონკრეტულ საკითხებზე ინფორმაციის გაცვლასთან დაკავშირებით;

ვ) მხარეთა მიერ ორგანიზებულ კონფერენციებზე, სემინარებზე და სხვა ღონისძიებებზე მონაწილეობა; ასევე, ერთობლივი ღონისძიებების განხორციელება;

ზ) მხარეთა მიერ გამოქვეყნებული არაკონფიდენციალური დოკუმენტების, კვლევების, წიგნების გაცვლა;

თ) თანამშრომლობის სხვა ფორმები, შეთანხმებული მხარეთა მიერ.

### **მუხლი 3. თანამშრომლობის ფორმატი**

1. წინამდებარე მემორანდუმში იდება მხარეთა შორის თანამშრომლობის გაძლიერებისა და განვითარებისათვის და არ წარმოადგენს სავალდებულო შეთანხმებას.

2. ინფორმაციის გაცვლა მოხდება წინასწარ განსაზღვრული საკონტაქტო პირების მეშვეობით ან/და მხარეთა წარმომადგენლების შეხვედრების დროს.

3. კონკრეტული ღონისძიებების დღის წესრიგი, განხორციელების ადგილი და სხვა საკითხები, მათ შორის ფინანსური ასპექტები, უნდა დადგინდეს ინდივიდუალურად, მხარეთა ურთიერთშეთანხმების საფუძველზე.

### **მუხლი 4. ძალაში შესვლა და ხანგრძლივობა**

1. წინამდებარე მემორანდუმში იდება განუსაზღვრელი ვადით და ძალაში შედის მისი ხელმოწერის თარიღიდან.

2. მემორანდუმის მოქმედების შეწყვეტა შესაძლებელია ნებისმიერ დროს, მემორანდუმის მოქმედების ვადის შეწყვეტამდე სულ მცირე სამი თვით ადრე, მხარის მიერ მეორე მხარისათვის წერილობითი შეტყობინების გაგზავნით.

### **მუხლი 5. ცვლილებები და დამატებები**

1. წინამდებარე მემორანდუმში ცვლილებების შეტანა ხორციელდება წერილობითი ფორმით, მხარეთა ერთობლივი წინასწარი კონსულტაციების შემდეგ.

2. მემორანდუმში ცვლილებები ძალაში შედის ხელმოწერის მომენტიდან და წარმოადგენს მემორანდუმის განუყოფელ ნაწილს.

3. მემორანდუმის რომელიმე პუნქტის ბათილობა არ გამოიწვევს მთლიანად მემორანდუმის ბათილობას, თუ იგი დაიდებოდა ასეთი ბათილი პუნქტის გარეშე.



## მუხლი 6. დავის გადაწყვეტა

1. მემორანდუმის მოქმედებიდან ან განმარტებიდან გამომდინარე ნებისმიერი დავა, ასეთის არსებობის შემთხვევაში, უნდა გადაწყდეს მხარეთა შორის კონსულტაციებისა და მოლაპარაკების გზით.

2. წინამდებარე მემორანდუმით გაუთვალისწინებელი საკითხები რეგულირდება საქართველოს მოქმედი კანონმდებლობით.

მემორანდუმი ხელმოწერილია 2017 წლის 13 აპრილს, ქ. თბილისში, ქართულ ენაზე, თანაბარი იურიდიული ძალის მქონე ორ ეგზემპლარად, რომელთაგანაც თითოეული გადაეცემა მხარეებს.

საქართველოს კონკურენციის

სააგენტოს სახელით



ნოდარ ხადური

თავმჯდომარე

საქართველოს დამღვევის  
სახელმწიფო მეთამხედველობის  
სამსახურის სახელით



კონსტანტინე სულამანიძე

უფროსი